

ŠULSKE NOWINY



Serbska wyša šula Ralbicy
UNESCO projektna šula
www.sorbische-schule-ralbitz.de

Jutrownik 2023
28. lětnik, 273. wudaće

Sněhakowarske lěhwo

Dnja 30. januara podachmy so - rjadownja 8 - do sněhakowarskeho lěhwa do Bedřichova. Rano we 8 hodź. wotjěždźechmy z ćahom z Biskopic do Libereca, w Čěskej. Z



Libereca jěždźechmy z busom dale do našeho hotela. Po wobjedže wupožichmy sebi črije kaž tež běžki a započinachmy z přenimi zwučowanjemi. Jězdženje na běžkach njebě scyła tak jednorje, dokelž su ćeńše hač alpine sněhaki. Tola prócowachmy so a žnějachmy přenje wuspěchi.

Přichodny dzeń zahaji so z rańšim sportom. W běhu dnja dyrbjachmy so na běžkach dopokazać a přewjedźechmy wšelakore wubědźowanja. Po wobjedowej přestawce wočakowaše nas staflowy běh. Šěsć mustwow wobjězdźi tak spěšnje kaž móžno



wulke koło. To běše jara lóštne, ale tež napinace.

Přichodny dzeń změnichmy po rańšim sporće naše běžki z alpinskimi sněhakami. Zwučowachmy na přikład, kak móžeš nahtu horu horje běžeć abo kak móžeš borzdźiš. Počas zmištrowa nimale kóždy šuler a kóžda šulerka bjez stracha horu dele jěć. Na to běchmy jara

hordźi. Wječor wopyta nas hišće naša Stephanie. Při bowlowanju rozprawjachmy jej wo našich dožiwjenjach a nowych nazhonjenjach.

Štwórťk dojědžechmy sej na horu Severák. Jako tam přijědžechmy, podachmy so hnydom zaso na pistu. Po někotrych zwučowanjach z partnerom/partnerku přewjedžechmy wukonowu kontrolu w slalomje (super-G), štož njebě scyła tak



lochko, dokelž so synje sněžeše. K wobjedej sydaše skónčnje stódna pizza a po krótkej přestawce podachmy so na čerwjenu pistu. Dla špatneho wjedra přebywachmy pak w hěće, w kotrejž dóstachmy wot knjeza Bejmaka stódnů čoptů šokoladu. Po wječeri džěše dale do płuwarnje „Babylon“, hdžež wobhladachmy sej zajimawu laser-show.

Pjatk wurjedžichmy stwy, spakowachmy naše kófrы a jědžechmy zaso wróćo do Biskopic. Běše to zajimawe, jara napjate a lóštne sněhakowske lěhwo a chcemy so pola wšitkich podžakować, kotřiž su nam tute zmóžnili.

- Helena Kralec a Saskia Belkotec -

Wučerski wolejbul

Sobotu, dnja 4. februara 2023 wobdžěli so mustwo Serbskeju šulow Ralbicy a Worklecy w čěłozwučowni Serbskeho šulskeho a zetkawanskeho centruma Budyšin na



38. sokótskim

wolejbulowym turněrze wo pokal Domowiny.

Džakujemy so cyle wutrobnje za wuhotowanje turněra kaž tež za wulkotnu móžnosć zhromadneho sportowanja a wubědžowanja. Jako učerske mustwo chcemy motiwowani a z wjeselom dale trenować.



- tekst: Lydija Pešmanowa, wobrazaj: Diana Šotćina -

Filmowa ideja za měrny wječork:

„Cars On The Road” (2022)

Film je za kóždu starobnu klasu a traje 117 mjeńšinow.
Wo čo dže:

W filmje dže wo dwě awće. Jedne z nich dyrbi na kwas swojeje sotry a přećel je přewodža. Při tym zetkatej strašne awta. Spřećelitej so z monstertruckom a zeznajetej awtowu skupinku, kotraž chce jeju skóncować. Wojujetej přećiwo hroznym awtam a dožiwjatej wjele.



<https://www.moviepilot.de/ser>



<https://www.kino.de/film/der-gestiefelte-kater-der-letzte-wunsch-2022/>

„Der Gestiefelte Kater - Der letzte Wunsch” (2022)

Film je wot 6 a traje 102 mjeńšinow.
Wo čo dže:

W filmje dže wo kocora, kiž je hižo wosom swojich džewjeć žiwjenjow přetrjebať. Kocor přińdže do kočeje pensije. Na to pyta wosebitu hwězdu, z kotrejež móžeš sej něšto přeć. Tola naraz je smjerć za nim a chce jeho morić. Kocor spyta čeknyć, zeznaje při tym nowu „přećelku” a dožiwi z njej a psom mnoho dyrdomdejow.

- Beno Mikławšk a Luis Suchy -

Přejemy wšitkim šulerjam a šulerkam,
staršim a dalšim swójbny mjesot jutry a
rjane wočerstwujace prózdniny.
Wostańće strowi!

Waš wučerski kolegij



INFORMACIJE – TERMINY – WŠELČIZNY

6. jutrownika

wariabelny swobodny dzeń

7. do 14. jutrownika

jutrowne prózdniny

17. do 19. jutrownika

pućowanski dzeń 7. lětnika

Dženska paslímny figury na klamorčkach

materialije:

- předtohu za paslenje
- pisaki (barbjenčki, pisaki z wóska)
- drjewjanej spince
- małe nožicy
- lěpk

Nawod:

1. **krok:** Na započatku trjebamy předtohu k paslenju. Motiwy so wumoluja - z barbjenčkami abo pisakami z wóska.



2. **krok:** Po tym so wobrazaj na bokaj drjewjaneje spinky zlěpitaj. Dočakaj, doniž njeje lěpk wuschnył. Spinki hodža so perfektnje jako dekoracija wužiwać abo k hrajkanju.

<https://www.talu.de/ostern-im-kindergarten/>

- Lena Suchec a Miriam Krječmarjec -

Mrěče insektow

Wosebje w poslednich lětach móžachmy wobkedźbować a tež słyšeć (abo tež nic wjace słyšeć), zo dawaja stajnje mjenje insektow. Je jara zrudne, zo so přez hospodarstwo wjele z nich skóncuja. Łuki su jich přirodny žiwjenski rum. Tute pak so přiběrajcy jako hospodarske pola wužiwaja. Mnoho ratarjow wobhospodarja rostliny z chemikalijemi, kotrež zajědojća małe zwěrjata. Samo při syćenju trawy a při jězdženju z awtom wjele insektow wumrěje.

Što přećiwo tomu činić?

Kóždy z nas móže pozhubjenju insektow zadžěwać, na přikład domy za insekty natwarić abo husćišo z kolesom město z awtom jěć.



- Milan Borška -

Nalětne kwětki

	krokus	sněhowka
barba	fijałkojte -módre	běle
wulkosć	5-10 cm	7-12 cm
hdy?	w nalěću	w nalěću
družiny	235 wšelakich družinow	20 wšelakich družinow

- Fabian Korch -



Bačon - slědźerski list

mjeno: bačon
wulkosć: 60 - 140cm
waha: 1 - 8kg
staroba: 20 - 30 lět
wonkowny napohlad: běło-čorne pjerjo
cyroba: žaby, ryba, šlinki, insekty
rozšěrjenje: Afrika, Europa, Azija, Južna Amerika, Awstralska
žiwjenski rum: włóžne kónčiny, wodźizny
porowanski čas: měrc - meja
lehnjenski čas: 28 - 35 dnjow




<https://www.biologie-schule.de/storch-steckbrief.php>

- Louisa Domanic -



Wutrobná gratulacija na Claru
 Matkec a Juliju Grutkec. Našej
 dobyčerce wubědźowanja
 najkreatiwnišeho wobrazu z
 hodownej dekoraciju!!!



Naši letuši křižerjo

Kak rěkaš	Kotry raz?	W kotrej wosadže?
šulerjo		
Liwius Frencel	1	Ralbicy
Pawl Mikławšk	1	Chrósćicy
Emmanuel Čórlich	1	Kulow
Patrik Mikławšk	1	Kulow
Jan Laurin Suchy	2	Ralbicy
Damian Krječmar	2	Kulow
Paul Šnabel	2	Ralbicy
Milan Zahrodnik	3	Chrósćicy
Wito Bulank	1	Ralbicy
Salomon Mróz	3	Ralbicy
Kilian Smoła	3	Chrósćicy
Jan Špitank	2	Chrósćicy
Jurij Rab	3	Kulow
Simon Kral	2	Ralbicy
Konrad Čornak	3	Ralbicy
Viktor Belkot	3	Kulow
Antonius Korch	2	Kulow
wučerjo		
Jan Rjeda	23	Pančicy-Kukow
Křesćan Zahrodnik	20	Chrósćicy
Matthias Kliemank	13	Kulow
Michał Wowčer	17	Chrósćicy

n	f	f	d	g	h	y	k	o	f
b	i	n	n	t	c	i	r	k	i
k	j	t	a	u	s	g	o	s	f
j	a	e	p	l	l	x	k	z	o
s	ł	h	z	p	ě	u	u	f	l
i	k	z	y	y	g	ć	s	g	e
a	a	d	d	o	i	u	o	u	n
t	ł	a	ć	h	s	l	c	m	j
d	p	t	a	č	k	i	i	l	e

Namakaj w křižowce slědowace słowa:
fijałka, tulpy, krokus, fifolenje, nalěčo,
tlač, ptački

- Jakub Měrš -

zbytne wobrazy: www.pixabay.de